


詩品彙



服部文庫
イ 17
2064
2



417 特
2064
21



五言絕句卷之五 唐詩品彙四十

新寧 高棟 編次

接武

皇甫曾

送王司直

西塞雲山遠東風道路長人心勝潮
水相送過潯陽

山下泉

五言絕句卷之五 高棟

717-838(2)

漾漾帶山光澄澄倒林影那知石上
喧却憶山中靜

劉方平

採蓮曲

落日清江裏荆歌艷楚腰採蓮從小
慣十五卽乘潮

長信宮

夢裏君王近官中河漢高秋風能再

熱團扇不辭勞

朱放

銅雀妓

恨唱歌聲咽愁翻舞袖遲西陵日欲
暮是妾斷腸時

題竹林寺

歲月人間促烟霞此地多慙慙竹林
寺更得幾回過

李嘉祐

春日歸家

自覺勞鄉夢，無人見客心。
空餘庭草色，日日伴愁襟。

白鷺

江南綠水多，顧影逗輕波。
終日秦雲裏，山高柰若何。

張起

春情

畫閣餘寒在，新年舊燕歸。
梅花猶帶雪，未得試春衣。

郎士元

山中即事

入谷多春興，乘舟棹碧潯。
山雲昨夜雨，溪水曉來深。

韓翃

漢宮曲二首

駿馬綉障泥紅塵撲四蹄歸時何太
晚日照杏花西
繡幙珊瑚鉤春關翡翠樓深情不肯
道嬌倚鈿篋簇

耿渾

長門怨

聞道昭陽燕嘯蛾落葉中清歌逐寒

月遙夜入深宮

秋日

返照入閭巷憂來誰共語古道少人
行秋風動禾黍

秋夜

高秋夜分後遠客鴈來時寂寂重門
掩無人問所思

盧綸

和張僕射塞下曲六首

鷲翎金僕姑，燕尾繡蝥弧。
獨立揚新令，千營共一呼。

林暗草驚風，將軍夜引弓。
平明尋白羽，沒在石稜中。

月黑鴈飛高，單于遠遁逃。
欲將輕騎逐，大雪滿弓刀。

野曠蔽瓊筵，羌戎賀勞旋。
醉和金甲

舞雷鼓動山川

調箭又呼鷹，俱聞出世能。
奔狐將迸

雉，掃盡古丘陵。

亭亭七葉貴，蕩蕩一隅清。
他日題麟

閣，唯應獨不名。

長門怨

空宮古廊殿，寒月落斜輝。
臥聽未央曲，滿箱歌舞衣。

李端

拜新月

開簾見新月，即便下階拜。
細語人不聞，北風吹裙帶。

蕪城懷古

風吹城上樹，草沒城邊路。
城裏月明時，精靈自來去。

送人下第

獻策未得意，馳車東出秦。
暮年千里客，落日萬家春。

晦日遊曲江

晦日同攜手，臨流一望春。
可憐楊柳陌，愁殺故鄉人。

溪行逢雨與柳仲庸

日落衆山昏，蕭蕭暮雨繁。
那堪兩處宿，共聽一聲猿。

鳴箏

鳴箏金粟柱素手玉房前欲得周郎顧時時誤拂絃

司空曙

金陵懷古

輦路江楓暗宮庭野草春傷心庾開府老作北朝臣

玩花與衛象同醉英華作衛長林

衰鬢千莖雪他鄉一樹花今朝與君醉忘却在長沙

寒塘

曉髮梳臨水寒塘坐見秋鄉心正無限一鴈渡南樓

晚思

蛩吟窻下月草濕階前露晚景淒我衣秋風入庭樹

別張讚

今日山晴後殘蟬菊發時登樓見秋色何處最相思

別盧秦卿

知有前期在難分此夜中無將故人

酒不及石充風洪容齋五筆云石充

打頭逆風也唐人詩多好用之陳子昂入峽苦風詩云故紳今日友歡會坐應同寧知巴峽路辛苦石充風戴叔倫送裴明府云知君未得去慚愧

石充風司空文明又云不及石充風計南朝篇詠必多用之未暇億也

張繼

長相思

遼陽望河縣白首無由見海上珊瑚枝年年寄春燕

顧況

憶番陽舊遊

悠悠南國思夜向江南泊楚客斷腸

時月明楓子落

丘丹

荅韋蘇州

露滴梧葉鳴秋風桂花發中有學仙人吹簫弄山月

聽江笛送陸侍御

離樽聞夜笛窈窕亮入寒城月落車馬散悽惻主人情

戎昱

別離作一作戴叔倫詩

手把杏花枝未曾經別離黃昏掩門後寂寞心自知

暢當

別盧綸

故交君獨在又欲與君離我有新愁淚非關秋氣悲

作雀

登鶴雀樓

回臨飛鳥上高出世塵間天勢圍平野河流入斷山

宿潭上

夜潭有仙舸與月當水中佳賓愛明月遊子驚秋風

李益

鷓鴣詞

湘江斑竹枝錦翅鷓鴣飛處處湘雲合郎從何處歸

幽州

征戍在桑乾年年薊水寒慙慙驛西路此去向長安

代人乞花

綉戶朝眠起開簾滿地花春風解人意吹落妾西家

品類五經

感懷

問氣集作
張繼詩

調與時人背心將靜者論終年帝城裏不識五侯門

贈盧綸

世故中年別餘生此會同却將悲與病獨對朗陵翁

盧和詩

戚戚一西東十年今始同可憐風雨

夜相對兩衰翁

容齋隨筆云二詩讀之使人悽然皆奇作也

戴叔倫

關山月

月出照關山秋風人未還清光無遠近鄉淚半書間

容州回一首送陸三

西南積水遠老病喜生歸此地故人別空餘淚滿衣

中興五絕

三閭廟

一作儲
光羲詩

沉湘流不盡屈子怨何深日暮秋風起蕭蕭楓樹林

遊道林寺

佳山路不遠俗侶到常稀及此烟霞暮相看復欲歸

贈李山人唐

此意無所欲閉門風景遲柳條將白

髮相對共垂絲

夏夜江樓會別

不作十日別煩君此相畱雨餘江上月好醉竹間樓

柳談

江行

繫陰乍隱舟落葉初飛浦蕭蕭楚客帆日暮寒江雨

品類五經卷之五

楊子途中

楚塞望蒼然寒林古戍邊
秋風人渡水落日鴈飛天

劉商

古意

達曙寢衣冷開門霜雪凝
風吹昨夜淚一片枕前冰

登相國寺閣

晴日登臨好春風各望家
垂楊夾城路客思逐楊花

雍裕之

自君之出矣

自君之出矣寶鏡為誰明
思君如隴水長聞嗚咽聲

楊衡

題花樹

品類五經卷之五

都無看花意，偶到樹邊來。劉須溪云：來得慘淡，可憐枝上，色一一為愁開。

張仲素

宮中樂

月彩浮鸞殿，砧聲隔鳳樓。笙歌臨水檻，紅燭乍迎秋。

春江曲

搖漾越江春，相將採白蘋。歸時不覺

夜出浦，月隨人。

春閨

裊裊城邊柳，青青陌上桑。提籠忘採葉，昨夜夢漁陽。

令狐楚

宮中樂三首

月上宮花靜，烟含苑樹深。銀臺門已閉，仙漏夜沈沈。

九重青瑣闥百尺碧雲樓明月秋風
夜珠簾上玉鈎

楚塞金陵靖巴山玉壘空萬方無一
事端拱大明宮

從軍行二首

孤心眠夜雪滿眼是胡沙萬里猶防
塞二年不見家

胡風千里驚漢月五更明縱有還家

夢猶聞出塞聲

思君恩二首

小苑鶯歌歇長門蝶舞多眼看春又
去翠輦不曾過

紫禁香如霧青天月似霜雲韶何處
奏只是在昭陽

長相思

幾度春眠覺紗窗曉望迷朦朦殘夢

重裘猶自在遼西

遊春詞

閭闔春風起蓬萊臘雪消相將折楊柳爭取最長條

于鵠

古挽歌

送葬

陰風吹黃蒿挽歌渡秋水車馬却歸城孤墳明月裏

五言絕句卷之六五
唐詩品彙四十五

五言絕句卷之六 唐詩品彙四十三

新寧 高棟 編次

接武下

韓愈

青青水中蒲三首

蓋與詩也當是婦人思夫之意

青青水中蒲下有雙魚君今上隴

去我在與誰居

青青水中蒲長在水中居寄語浮萍

草相隨我不如

青青水中蒲葉短不出水婦人不下

堂行子在萬里

把酒

遊城南十六首之一

擾擾馳名者誰能一日閒我來無伴

侶把酒對南山

贈同遊

同上

喚起窻全曙催歸日未西無心花裏

鳥更與盡情啼

北樓

郡樓乘曉上盡日不能回晚色將秋

至長風送月來

花鳥

蜂蝶去紛紛香風隔岸聞欲知花鳥

處水上覓紅雲

柳宗元

江雪

千山鳥飛絕，萬徑人蹤滅。孤舟蓑笠

翁獨釣寒江雪。劉云：得天趣，獨由落句五字道盡矣。

登柳州峨山

荒山秋日午，獨上意悠悠。如何望鄉

處西北，足融州。劉云：漸近自然。

零陵早春

問春從此去，幾日到秦原。憑寄還鄉

夢，慙慙入故園。劉云：皆自精切。

長沙驛前南樓感舊。公自注云：昔與德公

別於此海鶴指德公

海鶴一為別，存亡三十秋。今來數行

淚，獨上驛南樓。

入黃溪聞猿州。在永

溪路千里曲，哀猿何處鳴。孤臣淚已

盡，虛作斷腸聲。

再上湘江

好在湘江水，今朝又上來。不知從此去，更遣幾年回。

劉禹錫

古調

寓意作

軒后初冠冕，前旒為蔽明。安知從複道，然後見人情。蓋漢高事

秋風引

何處秋風至，蕭蕭送鴈群。朝來入庭樹，孤客最先聞。

視刀鏗歌

常恨言語淺，不如人意深。今朝兩相視，脉脉萬重心。

九日登高

世路山河險，君門烟霧深。年年上高處，未省不傷心。

甘棠館

公館似仙家池清竹徑斜山禽忽驚起衝落半巖花

別蘇州

流水昌門外秋風吹柳條從來送客處今日自魂銷

飲酒看牡丹

今日花前飲甘心醉數杯但愁花有

解語花貴妃故事

語不為老人開

經檀道濟故壘

萬里長城境荒營野草秋秣陵多士

女猶唱白符鳩南史云當時人歌曰枉殺檀

州檀道宋人有功封征南大將軍開府儀同三司江州刺史雄名大振朝廷疑畏之彭城王義康矯詔誅之子某

權德輿道輿劉肅大唐新語云梁簡文為太子好作艷詞嘗內化之憂以成俗謂之宮體晚年改

玉臺體三首

秋風一夜至吹盡後庭花莫作經時

豐詞作進之不及乃今徐陵撰玉臺集以大其體

晉楊弘舞序云自到江南見有白鳩舞或云白鳥鳩舞察其詞旨乃吳人患孫皓虐政思從晉也

玉樹後庭花陳後主作其辭云玉樹後庭花三闋不復久宋玉好色賦云臣里之

美莫若臣東家之子
登牆闚臣三年

古詞藁砧今何在
藁砧跌也向夫何
處也

別西隣是宋家

梁劉峻傾城人詩經共陳王戲曾與宋家隣

昨夜裙帶解今朝蟬子飛鉛華不可

棄莫是藁砧歸

小如蝶長脚者俗呼喜子西京雜記乾鵲啼而行人至如蝶集而百事喜

萬里人行至深閨夜未眠雙眉燈下

掃不待鏡臺前

嶺上逢久別者又別

十年曾別征旆此相逢馬首向何

處夕陽千萬峯

江行晚詠

古樹夕陽盡空江暮靄收寂寞扣舷

坐獨生千載愁

江行夜詠

猿聲到枕上愁夢紛難理寂寂深夜

寒清霜落秋水

曉

曉風搖五兩殘月映石壁稍稍曙光

淮南子注云統者
候風之羽也楚人
謂之五兩

江賦觀五兩之
動靜

開片帆在空碧

江賦注凡五兩以雞羽重五兩繫
五丈旗類之軍中

張籍

野田

漠漠野田草草中牛羊道古墓無子
孫白楊不得老

劉須溪
云賴性

岸花

可憐岸邊樹紅豔發青條東風吹渡
水衝著木蘭橈

劉云好不
賞有興

涇州寒

行到涇州寒唯聞羌戍聲道邊雙古
埃猶記向安西

寄西峯僧

松暗水涓涓夜涼人未眠西峯月猶
在遙憶草堂前

題暉禪師影堂

早日欲參禪竟無相識緣道場今獨

到惆悵影堂前

梅溪

自愛新梅好行尋一徑斜不教人掃
石恐損落來花

宿雲亭

清淨當深處虛明向遠開捲簾無俗
客應只見雲來

王建

故行宮 植詩作元

寥落古行宮宮花寂寞紅白頭宮女
在閒坐說玄宗

早發汾南

橋上車馬發橋南烟樹開青山斜不
斷迢遞故鄉來

田家

啾啾雀滿樹霽霽東陂雨田家無夜

田家五絕卷之六

食水中摘禾黍

新嫁娘 樂詞

三日入厨下洗手作羹湯未諳姑食性先遣小姑嘗

武元衡

夏夜作

夜久喧暫息池臺惟月明無因駐清景日出事還生 劉云此識

途中即事

南征復止還擾擾百年間自笑紅塵裏生涯不覺閒

春日偶作

縱橫桃李枝澹蕩春風吹美人歌白紵萬恨在蛾眉

元稹

感事

富貴年皆長風塵舊轉稀白頭方見
絕遙爲一沾衣

夏陽亭臨望

望遠音書絕臨行意緒長慙慙眼前
水千里到河陽

西還

悠悠洛陽夢鬱鬱灞陵樹落日正西
歸逢君又東去

白居易

閨怨詞

珠箔籠寒月紗窗背曉燈夜來巾上
淚一半是春水

問淮水

所嗟名利客擾擾在人間何事長淮
水東流亦不聞

出關路

山川函谷路塵土遊子顏蕭條去國
意秋風生故關

江樓聞砧

江南授衣晚十月始聞砧
一夕高樓上故園千里心

王涯

閨人贈遠四首

遠戍功名薄深閨年貌傷
粧成對春

樹不語淚千行

鶯啼綠樹深燕語雕梁晚
不省出門行沙場知近遠

形影一相別烟波千里分
君看望君處只是起行雲

花明綺陌春柳拂御溝新
爲報遼陽客流光不待人

李德裕

題羅浮石

清景持芳菊涼天倚茂松
名山何必去此地有群峯

嶺外守歲

冬逐更籌盡春隨斗柄迴
寒暄一夜隔容鬢兩年催

李賀

京城

驅馬出門意窄落長安心
兩事向誰道自作秋風吟

代崔家送客

行蓋柳烟下馬蹄白翩翩
恐隨行處盡何忍重揚鞭

劉語云有好

呂溫

鞏路感懷

馬嘶白日暮劍鳴秋氣來
我心渺無

際河上空徘徊

衡州早春

病肺不飲酒傷心不看花唯驚望鄉
處猶自隔長沙

盧仝

寄外兄

何處堪惆悵情親不得親興寧樓上
月辜負酒家春

新月

仙宮雲箔卷露出玉簾鈎清光無所
贈相憶鳳凰樓

孟郊

歸信吟

報書故鄉作

淚墨洒為書將寄可萬里親書去魂亦
去兀然空一身

古別離

欲別牽郎衣，郎今到何處。不恨歸來遲，莫向臨邛去。

古怨

古怨

試妾與君淚，兩處滴池水。看取芙蓉花，今年爲誰死。

閨怨

妾恨比斑竹，下盤煩冤根。有笋未出土，中已含淚痕。

劉云
近

送柳渚

青山臨黃河，下有長安道。世上名利人，相逢不知老。

河上思歸

獨訪千里信，回臨千里河。家在吳楚鄉，淚寄東南波。

賈島

劍客

十年磨一劍霜刃未曾試今日把似君誰有不平事

尋隱者不遇

唐音作孫華訪羊尊師

松下問童子言師採藥去只在此山中雲深不知處

裴度

溪居

門逕俯清溪茆簷古木齊紅塵飛不

到時有水禽啼

張碧

幽思

金爐烟霧微銀缸殘影滅出戶獨徘徊落花滿明月

張祐

昭君怨

萬里邊城遠千山行路難舉頭惟見

日何處是長安

思歸樂 鄉思

萬里春歸盡，三江鴈亦稀。
連天漢水廣，孤客未言歸。

穆護砂 思遠

玉管朝朝弄，清歌日日新。
折花當驛路，寄與隴頭人。

金殿樂 宮中詞

入夜秋砧動，千聲起四隣。
不緣樓上月，應為隴頭人。

墻頭花 閨思

蟋蟀鳴洞房，梧桐落金井。
為君裁舞衣，天寒剪刀冷。

宮詞

故國三千里，深宮二十年。
一聲河滿子，雙淚落君前。

樂府解題云：河滿子，開元中，滄洲歌者臨

刑進此曲以贖死竟不得免

夕次竟陵

南風吹五兩日暮竟陵城腸斷巴江月夜蟬何處聲

施肩吾

古曲 古意

可憐江北女慣唱江南曲搖蕩木蘭舟雙鳧不成浴

幼女詞 豔曲

幼女纔六歲未知巧與拙向夜在堂前學人拜新月

文宗皇帝

宮中題後太和九年誅王涯鄭元

臨遊幸往因賦此詩

輦路生秋草上林花滿枝憑高何限意無復侍臣知

五絕

下二

五言絕句卷之六 唐詩品彙四十

五言絕句卷之七 唐詩品彙四十

新寧 高棟 編次

餘響

李商隱

登樂遊原

向晚意不適 驅車登古原 夕陽無限

好只是近黃昏 楊誠齋云此詩
憂事祚將衰也

悼傷後赴東蜀 僻至散關 遇雪

品彙五絕卷之七

詩山房

劍外從軍遠無家與寄衣散關三尺
雪回夢舊鴛鴦機

滯雨

滯雨長安夜殘燈獨客愁故鄉雲水
地歸夢不宜秋

早起

風露澹清晨簾間獨起人鳥啼花又
笑畢竟是誰春

杜牧

長安秋望

樓倚霜樹外鏡天無一毫南山與秋
色氣勢兩相高

歸家

稚子牽衣問歸來何太遲共誰爭歲
月贏得鬢成絲

許渾

品類... 卷之三

塞下曲

夜戰蔡乾北秦兵半不歸朝來有鄉
信猶自寄征衣

送客南歸

野寺薜蘿晚官渠楊柳春歸心已無
限更送洞庭人

長安早春懷江南

雲月有歸處故山清洛南如何一花

發春夢徧江潭

溫庭筠

碧湖驛曉思

香燈伴殘夢楚國在天涯月落子規
歌滿庭山杏花

客愁

客愁看柳色日日逐春深蕩漾春風
裏誰知歷亂心

桂州經佳人故居羣一作李詩
桂水依舊綠佳人今不還
祗應隨暮雨飛入九疑山

馬戴

秋思

萬木秋霖後孤山夕照餘
田園無歲計寒近憶樵漁

江中遇客

危石江中起孤雲嶺上還
相逢皆得意何處是鄉關

雍陶

春懷舊遊

吟想舊經過花時柰遠何
別離長似見春夢入關多

陳陶

續古

擬古意

長沙采芳客，桂棹木蘭舫。日晚欲有
待，徘徊春風前。

項斯

江村夜泊

日落江路黑，前村人語稀。幾家深樹
裏，一火照船歸。

于武陵

高樓

遠天明月出，照此誰家樓。上有羅衣
裳，涼風吹不休。

勸酒

勸君金屈卮，滿酌不須辭。花發多風
雨，人生足別離。

長春宮

莫問古宮名，古宮空古城。唯應東去
水，不改舊時聲。

李羣玉

古詞 別意

一合相思淚臨江灑素秋碧波如會
意却與向西流

寄韋秀才

荆臺蘭渚客寥落共含情空館相思
夜孤燈照雨聲

劉駕

牧童

牧童見客拜山菓懷中落晝日驅牛
歸前溪風雨惡

聶夷中

鳥夜啼

衆鳥各歸枝鳥鳥爾不棲還應知妾
恨故向綠窻啼

儲嗣宗

品類五絕

城

項羽事

百戰未言非孤軍驚夜圍山河意氣
盡淚濺美人衣

登蕪城

昔人登此地丘壠已前悲今日又非
昔春風能幾時

于濟

青樓曲

妓女事

青樓臨大道一上二回老所思終不
來極自傷春草

陸龜蒙

洞房怨

閨思

玉桃朝插鬢金梯晚下臺春衫將別
淚一夜兩難裁

花成子

歌辭

春風等君意亦解欺桃李寫得去時

容歸來不相似

東飛鳧

樂曲

裁得尺錦書欲寄東飛鳧翅短脰亦短雌雄戀菰蒲

唐彦謙

小院

小院無人夜烟斜月轉明清宵易惆悵不必有離情

羅鄴

秋別

別路悲揚柳秋風淒管絃青樓君去後明月為誰圓

崔魯

三月晦日送客

野酌亂無巡送君兼送春明年春色至莫作未歸人

品彙五經卷之七
司空圖

古樂府 古意

一葉隨西風君行亦向東知妾飛書
意無勞待早鴻

樂府 全上

寶馬史句奴傳字
千里馬句奴一也

寶馬跋塵光雙馳照路傍喧傳報戚
里明日幸長揚 戚里天子戚姻所居

歲盡

莫話傷心事投春浦髮霜慙慙共尊
酒今歲只殘陽

牛頭寺

終南最佳處禪誦出青霄群木澄幽
寂疎烟泛沈寥 楚辭九辨沈寥兮天高而氣清注
曠蕩而虛靜也或曰猶蕭條無雲貌

崔道融

音血

班婕妤

寵極辭同輦恩深棄後宮自題秋扇

品彙五經卷之七

後不敢怨春風

銅雀妓

歌咽新翻曲香消舊賜衣陵園風雨
暗不見六龍歸

漢宮詞

獨詔胡衣出天花落殿堂他人不敢
妬垂淚向君王

長門怨

長門春欲盡明月照花枝買得相如
賦君恩不可移

春閨

寒食月明雨落花香滿泥佳人持錦
字無鴈寄遼西

歸燕

海燕頻來去西人獨滯留天邊又相
送腸斷故園秋

五絕

夜泊九江

夜泊江門外歡聲月下樓明朝歸去
路猶隔洞庭秋

韓偓

効崔國輔體三首

淡月照中庭海棠花自落獨立
階風動秋千索
羅幕生春寒綉窓愁未眠南湖夜來

又云鞦韆繩戲也北方歲以習
輕矯者

字彙鞦注徐鉉曰
漢武後庭繩戲本
云千秋祝壽之詞語
訛轉為秋千後人
不本其意乃造鞦
韆二字

雨應濕採蓮船

雨後碧苔院霜來紅葉樓閒階上斜

日鸚鵡伴人愁

武瓘唐末人或云杜荀鶴
同時人為益陽令

感事

花開蝶滿枝花謝蝶還稀唯有舊巢
燕主人貧亦歸

曹鄴

庭草

庭草根自淺造化無遺功
低回一寸心不敢怨春風

薛瑩

秋日湖上

落日五湖遊烟波處處愁
浮沈千古事誰與問東流

五言絕句卷之七

唐詩品彙卷四十四

五言絕句卷之八

唐詩品彙

卷四十五

新寧

高棟

編次

傍流

有姓氏無字里世次可考者五人

荆叔

題慈恩塔

容齋

五筆

云慈恩塔

極小

遠不端知為何時人必唐世詩流
所作也

漢國山河在秦陵
草樹深暮雲千里
色無處不傷心

李牧

幽情

艷情又幽閒意

幽人惜春暮潭上折芳草佳期何時
還欲寄千里道

張元宗

元一作元

登景雲寺閣

胡馬飲河路我家從此遷今來獨垂
淚三十六峯前

潘佐

送人往宣城

江畔送行人千山生暮氛謝安團扇
上為畫敬亭雲

張顛

清溪泛舟

品類五絕卷之六

旅人倚征棹薄暮起勞歌笑攬清溪
月清輝不厭多

無姓氏三人

樂府

樂府中為西京節蓋嘉運開元年

伊州歌二首

此又見沈佺期集中律詩邊詞

聞道黃花成頻年不解兵可憐閨裏

月偏照漢家營

又

諸家選本以此篇作伊州歌按郭君茂倩樂府集無此篇

未知孰是

打起黃鶯兒莫教枝上啼啼時驚妾

夢不得到遼西

劉須溪云恨此語極

樂作詩從首至尾語輒聯屬如

陸州歌第三

香氣傳空滿粧花映泊紅歌聲天仗

外舞態御樓中

排遍第一

品真玉經卷之六

樹發花如錦，鶯啼柳若絲。更逢歡燕地，愁見別離時。

第三

坐對銀缸曉，停流玉筋痕。君門常不見，無處謝前恩。

西鄙人

哥舒歌

北斗七星高，哥舒夜帶刀。至今窺牧

馬不敢過臨洮。

太上隱者

荅人

偶來松樹下，高枕石頭眠。山中無曆日，寒盡不知年。

羽士一人

吳筠

題華山人所居

故人住南郭，邀我對芳樽。
歡暢日亦暮，不知城市喧。

別章叟

平昔同邑里，經年不相思。
今日成遠別，相對心淒其。

衲子五人

皎然

待山月

夜夜憶故人，長教山月待。
今宵故入至，山月知何在。

湖南蘭若

未到無爲岸，空憐不繫舟。
東山白雲意，歲晚尚悠悠。

法華寺望高峯贈如獻上人

峰色秋天見，松聲靜夜聞。
影孤長不在，行道入深雲。

酬李紆補闕

不往東山寺雲泉處處行近臣那得
識禪客本無名

靈徹

遠公墓

古墓石稜稜寒雲晚景凝空悲虎溪
月不見鴈門僧

貫休

姓姜字德遠鍾陵人蘭溪
和安寺賜紫禪月大師

月夕

霜月夜徘徊樓中老管催曉風吹不
盡江上落殘梅

脩睦

懷故園

故園歸未得此日意何傷獨坐水邊
草水流春日長

子蘭

城上吟

古塚密於草新墳侵古道城外無閒地城中人又老

宮閨

韓氏

題紅葉

詩話云盧儼舍人應舉京師偶臨御溝見一紅葉上有詩云盧得之藏於篋及宣宗有旨出官人許其從人盧獲其人觀紅葉吁怨久之曰當時偶題君乃得之

流水何太急深宮盡日閒慙慙謝紅葉好去到人間

七歲女子

武后時

送兄

唐史遺事云如意中有七歲女子能詩天后令賦別

別路雲初起離亭葉正飛所嗟人異

鴈不作一行歸

湘驛女子

題玉泉溪

紅葉醉秋色碧溪彈夜絃佳期不可
再風雨杳如年

侯夫人

自感

粧成多自恨夢好却成悲不及楊花
意春來到處飛

郎大家

采桑

羅敷事

春來南鴈歸日去西蠶遠妾思紛何
極客遊殊未返

劉采春

囉嘖曲五首

閨情

不喜秦淮水生憎江上船載兒夫婿
去經歲又經年

借問東園柳枯來得幾年自無枝葉

分莫怨太陽偏
莫作商人婦金釵當下錢朝朝江口
望錯認幾人船
那年離別日只道往桐廬桐廬人不
見今得廣州書
昨日勝今日今年老去年黃河清有
白白髮黑無緣

崔氏女

明月三五夜

待月西廂下迎風戶半開拂墻花影
動疑是故人來

薛濤

春望詞

花開不同賞花落不同悲欲問相思
處花開花落時

六言附

李景伯

回波樂

郭茂倩樂府云商調也唐中宗時造蓋出於

曲水引流泛觴也○本燕羣臣皆

云中宗之世嘗因內燕羣臣皆

歌回波樂表思還舊官而沈全

朱絃宗期乃歌回波樂詞是以

意中宗即唐書云景龍中宗

求遷擢酒酣令各為回波樂

燕侍臣酒酣令各為回波樂

皆為詔大倭李景伯乃歌此

至諫議大倭李景伯乃歌此

其有規諷

後為舞曲

回波爾時酒卮微臣職在箴規侍燕

既過三爵誼諱竊恐非儀

張說

破陳樂六言八句○樂苑曰商

宗又作小破陳

漢兵出頓金微照日明光鐵衣百里

字典頓止也又屯注音頓或恐屯頓通

火幡焜焜千行雲騎駢駢感踏遼河

自竭鼓譟燕山可飛正屬四方朝賀

莊子孔子遊緇帷之
林休坐木石壇之上
子讀書絃歌鼓琴

端知萬舞皇威

毛傳以干羽為萬舞用之宗廟
山川何休云象武王以萬人定天下民皇之
三義之萬舞之銘各未必始自武王也

王維

田園樂五首

採菱渡頭風急策杖村西日斜杏樹
壇邊漁父桃花源裏人家
淒淒芳草春綠落落長松夏寒牛羊
自歸村巷童稚不識衣冠
山下孤烟遠村天邊獨樹高原一瓢

顏回陋巷五柳先生對門

酌酒會臨泉水把琴好倚長松南園

露葵朝折西舍黃梁夜春

桃紅復含宿雨柳綠更帶朝烟花落

家僮未掃鳥啼山客猶眠桃溪云每

綠花落鳥啼之句令人坐想
川之勝此老傲睨閑適於其間

劉長卿

尋張逸人山居

五柳先生

澤林蜀有鳥道言
徑窄繞可通故為通
稱

危石纔通鳥道空山更有人家桃源
定在深處澗水浮來落花

送陸澧還吳中

瓜步寒潮送客楊柳暮雨沾衣故山
南望何處秋草連天獨歸

發越州赴潤州使院留別鮑侍

御

對水看山別離孤舟日暮行遲江北

江南春草獨向金陵去時

茗溪洲梁耿別後見寄六句

清川永路何極落日孤舟解攜鳥向
平蕪遠近人隨流水東西白雲千里
萬里明月前溪後溪惆悵長沙謫去
江潭芳草萋萋

張繼

奉寄皇甫補闕冉

京口情人別久揚州估客來疎潮至
潯陽回去相思何處通書

皇甫冉

送鄭二之茅山

水流絕澗終日草長深山暮春犬吠
鷄鳴幾處條桑種杏何人

小江懷靈一上人

江上年年春草津頭日日人行借問

按條桑本是詩字
面用三馬德操采
桑事用詩字德操
事見世說言語初

山陰遠近猶聞薄暮鐘聲

問李二司直所居雲山

門外水流何處天邊樹遶誰家山色

東西多少朝朝幾度雲遮

冉集酬之所載張繼奉寄六言詩一
首冉酬之而序曰懿孫予之舊好
庶役武昌有六言詩見憶今冉之
言裁武昌蓋拙於率者繁而費冉之
意以六言難工故衍為七言答之
然自又有小江懷靈一上人等三
篇皆清絕句得盡非拙而不能也予
編唐人絕句

五言二千五百首合為萬首而
六言不滿四百首合其難也
韓翃

宿甌山

山中今夜何人門下當年近臣青瑣
應須早去白雲何用相親

別甌山

身趨侍丹墀西路翩翩去時惆悵
青山綠水何年更是來期

送陳明府赴淮南六言

年華近過清明落日微風送行黃鳥
綿蠻芳樹紫駟躑躅東城花間一盃
促膝烟外千里含情應渡淮南信宿
諸侯擁旆相迎

盧綸

送萬臣六言

把酒留君聽琴誰堪歲暮離心霜葉

無風自落秋雲不雨空陰人愁荒村
路細馬怯寒溪水深望盡青山獨立
更知何處相尋

顧況

歸山

心事數莖白髮生涯一片青山空林
有雪相待古道無人獨還

王建

宮中三臺

池北池南草綠殿前殿後花紅天子
千秋萬歲未央明月清風

江南三臺

青草湖邊草色飛猿嶺上猿聲萬里
湘江客到有風有雨人行

劉禹錫

荅樂天臨都驛元贈

北固山邊波浪東都城裏風塵世事
不同心事新人何似故人

周賀

送李億東歸

六言八句

黃山遠隔秦樹紫禁斜通渭城別路
青青柳發前溪漠漠花生和風澹蕩
歸客落日慙慙早鷺瀟上金罇未飲
謔歌已有餘聲

五言絕句卷之八
唐詩品彙四十五終

享保十八年癸丑五月日

江戸書肆

須原屋新兵衛梓行

